

**PRAVILA NAGRADNE IGRE
„BILO KOJI SKY DA PIJEŠ – NAGRADU ZA 5 DOBIJEŠ“**

Član 1 – Naziv i sjedište Organizatora Nagradne igre

Sukladno Zakonu o igrama na sreću (Sl. novine Federacije BiH, broj 48/15 i 60/15) i Pravilniku o sadržaju pravila, uslovima i načinu priređivanja nagradnih igara (Sl. novine Federacije BiH, broj 30/16) Organizator nagradne igre „BILO KOJI SKY DA PIJEŠ – NAGRADU ZA 5 DOBIJEŠ“ je Sarajevski kiseljak d.o.o. Kiseljak, (u daljem tekstu: Organizator), Kraljice mira 7, 71 250 Kiseljak, ID broj: 4236097460009, PDV broj: 236097460009.

Član 2 – Svrha Nagradne igre

Nagradna igra se priređuje u svrhu promidžbe brenda SKY u saradnji sa lancem maloprodajnih trgovina Bingo d.o.o. Tuzla.

Član 3 - Trajanje i mjesto odvijanja Nagradne igre

Nagradna igra se provodi od 23.04.2026. do 23.05.2026. godine, a odvija se na teritoriji Federacije BiH.

Član 4 – Pravo sudjelovanja u Nagradnoj igri

Pravo na sudjelovanje u nagradnoj igri imaju svi državljani BiH sa stalnim prebivalištem u istoj sa obavljenom kupovinom na teritoriji FBiH, a koji prihvaćaju Pravila nagradne igre. U nagradnoj igri ne mogu sudjelovati uposlenici Organizatora i članovi njihovih užih porodica, ukoliko žive u zajedničkom domaćinstvu, kao ni uposlenici Bingo d.o.o. i članovi njihovih užih porodica, ukoliko žive u zajedničkom domaćinstvu.

Član 5 – Uslovi za sudjelovanje u Nagradnoj igri

U nagradnoj igri mogu sudjelovati sva fizička lica koje za vrijeme trajanja nagradne igre ostvare kupovinu bilo koje dvije boce branda navedenog u Članu 2., te broj fiskalnog računa i lične podatke unesu na web stranicu osvoji.sarajevski-kiseljak.com. Lični podaci uključuju: ime i prezime, adresu prebivališta, broj telefona/mobitela i e-mail adresu. Potrebno je sačuvati fiskalni račun kao dokaz o obavljenoj kupovini.

Važeći fiskalni račun s kojim se može sudjelovati je samo onaj koji je izdat u periodu trajanja nagradne igre i koji je izdat za kupovine ostvarene u Bingo d.o.o. trgovinama na teritoriji FBiH.

Svaki sudionik može sudjelovati u nagradnoj igri neograničen broj puta s različitim brojevima računa. Svaki sudionik može osvojiti samo jednu nagradu u okviru ove nagradne igre.

Upisom svojih ličnih podataka i unosom broja važećeg fiskalnog računa na web stranicu osvoji.sarajevski-kiseljak.com, učesnik je ostvario pravo na učešće u predmetnoj nagradnoj igri i njegovi lični podaci sudjelovat će u nagradnom izvlačenju koje će se održati dana 28.05.2026. godine u 12:00h.

Sretni dobitnici će biti obaviješteni od strane Organizatora o nagradi koja im pripada. Preuzimanje nagrada će biti moguće uz predočavanje dobitnog fiskalnog računa izdanog od strane Bingo d.o.o. trgovina.

Član 6 – Nagradni fond

Nagradni fond se sastoji od:

NAGRADNI FOND			
Nagrada	Količina	jedinična cijena sa PDV-om	UKUPNO sa PDV-om (KM)
Električni bicikl	5	2.500,00 KM	12.500,00 KM
Električni romobil R10	5	759,33 KM	3.796,65 KM
Robot usisivač	5	549,00 KM	2.745,00 KM
Poklon bon za kupovinu u Bingo d.o.o. marketima	5	200,00 KM	1.000,00 KM
UKUPNO:			20.041,65 KM

** Organizator i partner u organizaciji ne preuzima bilo koji oblik odgovornosti, niti otklanja bilo kakvu vrstu odštete zbog sudjelovanja u Nagradnoj igri, niti za korištenje osvojene nagrade.*

Poklon bon za kupovinu u Bingo d.o.o. trgovinama se može iskoristiti isključivo u Bingo d.o.o. trgovinama i vrijedi do utisnutog datuma na Bingo d.o.o. vaučeru.

Sudionici u nagradnoj igri nemaju pravo zahtijevati drugačije nagrade ili nagrade u većim količinama od onih predviđenih ovim Pravilima. Nagrada se ne može zamijeniti za gotovinu, drugu nagradu, robu ili uslugu.

Član 7 – Objava pravila Nagradne igre

Pravila nagradne igre će biti objavljena u dnevnim listovima koji izlaze na području održavanja Nagradne igre i to najmanje sedam dana prije početka nagradne igre.

Pravila će također biti objavljena na web stranicama osvoji.sarajevski-kiseljak.com i www.bingobih.ba.

Član 8 – Izvlačenje dobitnika

Izvlačenje finalnih dobitnika održati će se dana 28.05.2026. u 12h na lokaciji Kraljice mira 7, Kiseljak, u kompaniji Sarajevski kiseljak doo.

Dobitnici će biti izvučeni pomoću nasumičnog softverskog izvlačenja. Izvlačenje finalnih dobitnika nadzirat će tročlana komisija. Komisija će provjeriti da li je dobitnik sudjelovao u nagradnoj igri sukladno ovim pravilima. U slučaju da se njegova prijava proglašena nevažećom, nagrada će biti dodijeljena rezervnom dobitniku. Nagrade će se preuzimati u dogovoru sa dobitnikom.

Odluka Komisije za izvlačenje je konačna i obavezujuća i neće biti dozvoljena daljnja korespondencija.

Prijave koje ne budu odgovarale propisanim pravilima smatrat će se nevažećim. Pri svakom izvlačenju pored dobitnika, izvlačiti će se i po dva alternativna dobitnika za svaku nagradu.

Tokom izvlačenja dobitnika nagrade Komisija će sačiniti zapisnik. Zapisnik će sadržavati:

- Mjesto, vrijeme i način izvlačenja dobitnika
- Datum i naziv medija u kojem su pravila nagradne igre objavljena
- Imena i prezimena članova komisije
- Imena, prezimena i kontakt podatke dobitnika
- Naziv i vrijednost nagrade pojedinog dobitnika
- Broj i datum odobrenja Ministarstva.

Za izvučene prijave koje ne budu ispunjavale uslove neće se javno objavljivati učesnik nagradne igre, a isti će biti posebno pohranjen i posebno evidentiran.

Svaki učesnik čija prijava ispunjava uslove iz ovih Pravila i i bude izvučena, stiče pravo na jednu nagradu, uz ograničenja iz člana 5. stav 3.

Član 9 – Objava imena dobitnika i preuzimanje nagrada

Svi sretni dobitnici nagrada će biti kontaktirani od strane Organizatora putem kontakt podataka učesnika koji su stavljeni na uvid Organizatoru u smislu odredbe člana 5. ovih Pravila.

Nagrada će biti uručena samo ako dobitnik ima pravo da učestvuje i ako u potpunosti prihvata ova Pravila. Ako izvučeni dobitnik nema pravo učešća u skladu sa Pravilima ili ga Organizator ne uspije kontaktirati u roku od 8 dana od dana izvlačenja jer je naveo pogrešne podatke, nagradu osvaja alternativni dobitnik.

Organizator će spisak dobitnika objaviti u roku od 7 dana od dana izvlačenja na web stranicama www.sarajevski-kiseljak.com i www.bingobih.ba.

Organizator je dužan najkasnije u roku od 8 dana od dana izvlačenja, obavijestiti dobitnike o osvojenim nagradama.

Sretni dobitnici dužni su preuzeti nagradu najkasnije u roku od 30 dana od dana prijema obavijesti o osvojenoj nagradi. Ako dobitnik u roku od 30 dana ne preuzme osvojenu nagradu ili izjavi da je izgubio fiskalni račun koji služi kao dokaz o obavljenoj kupovini i uslov za preuzimanje nagrade, gubi pravo na nagradu, a Organizator je dužan postupiti na način propisan člankom 11 Pravilnika o sadržaju pravila, uslovima i načinu priređivanja nagradnih igara.

Sretni dobitnici će blagovremeno biti obaviješteni o načinu preuzimanja pripadajućih nagrada.

Organizator ne snosi putne troškove, troškove preuzimanja nagrada, kao niti bilo kakve troškove povezane s prijenosom prava vlasništva na nagradi, registracije i slično. Sve obveze Organizatora prema dobitniku nagrade prestaju trenutkom preuzimanja nagrade od strane dobitnika.

Član 10 – Obaveze i suglasnost dobitnika

Sudjelovanjem u ovoj Nagradnoj igri učesnici u cjelosti prihvataju gore navedena pravila.

Sretni dobitnici nemaju pravo prenositi niti ustupiti nagradu na trećim licima prije nego se izvrši njihovo uručenje dobitniku.

Dobitnici svih nagrada nemaju pravo tražiti zamjenu nagrade za neku drugu vrstu nagrade, a naročito ne isplatu novčane protuvrijednosti osvojene nagrade, ili nekog njenog dijela.

Porez na dohodak obračunati će se u skladu sa Zakonom o porezu na dohodak.

Dobitnici nagrada pružit će sve informacije i dokumente potrebne kako bi se mogla primijeniti Pravila i ostali odgovarajući zakoni, a organizator preuzima odgovornost da pravovremeno i tačno informiše učesnika u nagradnoj igri o njegovim pravima i obavezama kod preuzimanja nagrada.

Ako je dobitnik nagrade maloljetna osoba ili osoba ograničenih sposobnosti, podobna je da primi nagradu samo uz odobrenje roditelja ili zakonskog staratelja. U tom slučaju roditelj ili zakonski staratelj mora predložiti ličnu kartu uz

rodni list ili rješenje o imenovanju za staratelja, te potpisati izjavu o prihvaćanju nagrade u ime i za račun maloljetnog lica / lica s ograničenom ili oduzetom poslovnom sposobnošću.

Učešćem u nagradnoj igri, učesnik pristaje da bude kontaktiran od strane Organizatora u cilju informisanja i dogovaranja oko preuzimanja nagrade.

Dobitnik nagrade je dužan dati sve potrebne informacije, kontakt osobi Organizatora nagradne igre.

Učesnici mogu biti pozvani da učestvuju u javnim događajima. Učesnici i pobjednici u nagradnoj igri prihvataju uvjet da imena pobjednika, mogu biti korištena i objavljivana od strane Organizatora i njegovih pridruženih agencija i partnera koji direktno učestvuju u nagradnoj igri.

Učesnik može sudjelovati sa neograničenim brojem prijava, odnosno neograničenim brojem fiskalnih računa, pod uslovom da odgovaraju propisanim Pravilima.

Priredivač ne preuzima nikakvu odgovornost za:

- bilo koje posljedice koje bi učesnik mogao da pretrpi zbog učešća u nagradnoj igri ili nagradnom izvlačenju,
- bilo koje posljedice prilikom korištenja nagrada, a nakon preuzimanja osvojene nagrade.

Član 11 – Obrada osobnih podataka

Organizator nagradne igre, kao obrađivač osobnih podataka, obrađuje osobne podatke sudionika sukladno odredbama Zakona o zaštiti osobnih podataka Bosne i Hercegovine BiH ("Službeni glasnik Bosne i Hercegovine", br. 12/2025) i drugim važećim propisima koji uređuju ovu oblast.

Sudjelovanjem u nagradnoj igri sudionici potvrđuju da su upoznati s obradom svojih osobnih podataka te daju izričitu privolu za njihovu obradu u svrhu provedbe nagradne igre, uključujući identifikaciju sudionika, odabir i objavu dobitnika, kontaktiranje dobitnika te dodjelu i dostavu nagrada.

Organizator prikuplja i obrađuje sljedeće kategorije osobnih podataka: identifikacijske podatke (ime i prezime), kontakt podatke (e-mail adresa i/ili broj telefona), u slučaju osvajanja nagrade, adresu prebivališta odnosno boravišta radi dostave nagrade, te pristaje da se bez ikakve nadoknade njegovo ime i prezime i fotografija sa uručjenja nagrade budu objavljeni na web stranici www.sarajevski-kiseljak.com i www.bingobih.ba, te u ostalim printanim i/ili elektronskim medijima po odluci Organizatora.

Pravna osnova za obradu osobnih podataka je izvršavanje ugovornog odnosa koji nastaje sudjelovanjem u nagradnoj igri, ispunjavanje zakonskih obveza organizatora te, kada je primjenjivo, privola ispitanika.

Osobni podaci sudionika obrađuju se isključivo u svrhe navedene u ovim pravilima te se neće obrađivati na način koji nije u skladu s tim svrhama. U slučaju potrebe za obradom podataka u druge svrhe, organizator će prethodno zatražiti posebnu i izričitu privolu sudionika.

Osobni podaci mogu biti dostupni trećim osobama isključivo u mjeri u kojoj je to nužno za provedbu nagradne igre (primjerice pružateljima dostavnih usluga) ili radi ispunjenja zakonskih obveza organizatora. S takvim trećim osobama organizator osigurava odgovarajuće ugovorne i organizacijske mjere zaštite podataka.

Osobni podaci sudionika čuvaju se do isteka svrhe obrade, odnosno do završetka nagradne igre, dok se podaci dobitnika čuvaju u rokovima propisanim važećim zakonskim propisima.

Sudionici, kao ispitanici, imaju pravo zatražiti pristup osobnim podacima, ispravak netočnih podataka, brisanje podataka („pravo na zaborav“), ograničenje obrade, pravo na prenosivost podataka te pravo na prigovor na obradu podataka, u skladu s važećim propisima.

Sudionici mogu u svakom trenutku povući danu privolu zahtjeva na e-mail adresu: szzp@sarajevski-kiseljak.com, pri čemu povlačenje privole ne utječe na zakonitost obrade koja se temeljila na privoli prije njezina povlačenja.

Organizator provodi odgovarajuće tehničke i organizacijske mjere zaštite osobnih podataka kako bi osigurao njihovu sigurnost i spriječio neovlaštenu ili nezakonitu obradu, slučajni gubitak, uništenje ili oštećenje.

Član 12 – Prava Organizatora

Sve dobitne prijave će biti provjerene prema diskrecionom pravu Organizatora i biti će poništene i odbačene ukoliko nisu dostavljene odobrenim propisanim putem.

Organizator neće odgovarati za prijave koje su zakasnile ili prijave koje ne ispunjavaju uslove Nagradne igre iz Člana 5.

Organizator neće uzeti u razmatranje eventualne prijave nakon gore navedenog roka.

Član 13 – Mogućnost otkazivanja Nagradne igre

Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

U slučaju prekida ili otkazivanja nagradne igre usljed nastupanja vanrednih okolnosti, organizator će o navedenom obavijestiti Federalno ministarstvo finansija.

Federalno ministarstvo finansija daje saglasnost na izmjenu pravila igre, prekid i otkazivanje nagradne igre, ukoliko su razlozi zbog kojih se traži dokazani od strane Organizatora ili opštepoznati, a Organizator će učesnike o navedenom obavijestiti na isti način na koji su objavljena ranije odobrena pravila nagradne igre.

Ukoliko nagradni fond nakon završetka nagradne igre ne bude podjeljen učesnicima na način predviđen Pravilima ove nagradne igre (usljed isteka roka za podizanje nagrada, nepostojanje dovoljnog broja učesnika i sl.) ili zbog eventualnog prekida odnosno otkazivanja igre usljed dejstva okolnosti koje imaju karakter više sile, organizator će nagradni fond prodati, a sredstva ostvarena prodajom uplatiti ravnomjerno na račune humanitarnih organizacija navedenih u članu 17. stav (1) Zakona o igrama na sreću.

Član 14 – Nadležnost suda

Sve žalbe, prigovore i reklamacije rješava Organizator nagradne igre. U slučaju opravdanih pritužbi, organizator se obavezuje da će ih otkloniti u najkraćem mogućem roku i obavijestiti učesnika.

U slučaju spora, nadležan je Općinski sud u Travniku.

Sa pravilima nagradne igre saglasno je Federalno ministarstvo finansija Bosne i Hercegovine, prema Rješenju broj: UP-05-12-1-447/26.

Datum: 18.03.2026.

Broj protokola: 189/2026

Sarajevski kiseljak d.o.o.

Direktor
Stipe Bevanda

